

Akugu Ma Mi Riyö 'Ba Pɔlo Zi Kanisa Ma KORINITO

¹ Ma Pɔlo ma rɔ bɔ laja 'ba Yësu Kurisitö gɔ ako'dɔkɔ 'ba Bɔko'ba mo tönë, ze ti bɔ löndö ze ma kidëki rɔ Timatiyo na me dëdë dugu waraga nime ziye kpe bilaka 'ba kanisa ame ga mi Korinito gbï ti bilaka 'ba Bɔko'ba ma mi dɔyayi 'ba Giriki pili.

² Yëyi ti lende këyi abo 'ba Bɔko'ba 'bu ze ti 'ba ɲere ze Yësu Kurisitö koloma tiye.

Pɔlo Ni Ilesi Yëë'di Zi Bɔko'ba

³ I'di dilekike yëë'di ti zi bo Bɔko'ba 'bu 'ba Yësu Kurisitö ɲere ze. Bo na ti mi këyi, kɔnyi ze pili ako di zi bo.

⁴ Bo na kokɔnyi ze 'deni di mi dɔkomali gomo ze ga pili 'dɔ dokɔnyike mɔtɔ ga ame këdï ti gomo ne gbï ti kinë kɔnyi kɔtɔ nime do'jake 'deni di zi bo ne.

⁵ Kina kɔzɔ ame dombike gomo 'deni kulöwö kɔtɔ ti Kurisitö ne, ti bo na gbï ti do'jake kɔnyi löbu 'ba Bɔko'ba nime.

⁶ Tine ze ma 'beze ɔdɔ dombi gomo na ti këdï ɲgï rɔ kɔnyi ziye tɔmɔ ye. Kina ɔdɔ bo kokɔnyi ze ti ko'de kɔnyi ki'di tigɔ 'ba tombi gomo mo gbï ziye kɔzɔ 'beze.

⁷ Diyëni ɲgï bine rɔ ma laka kɔzɔ ame kpe 'deni gbï rɔ lépï zize mi tombi gomo nime ne ti kokɔnyi ye 'deni gbï tara.

8-9 Löndö ze ga, do'doko ye 'do kikalike gomo nima tönë dombi di mi döyayi 'ba Asiya ne. Gomo nima a'da ze ngi lipo. Domeri a moto dö kpe ro tomo di yimo tine 'deni ngi ro tolë zize. Dëmba bine iyandi ze timo kinza di'di döze dö kpe go gbagba ze, tine bo Boko'ba ame ro bo tididi töku ni ne na go di'di döze nge gomo.

10 Bo na me komo ze 'deni di mi tolë nime kina ti bo koto tomo ze ngi nduwë tara. Bo na di'di komoze 'deni domo 'do komo ze

11 odo kpe gbi kokonyike ze ti motu. Kina ti bo kuwö motu 'ba ma konzi nima ngi kina ma konzi ti kileki yëë'di ngi zi bo go yëyi nime bo ko'do zize ne.

Meri 'Ba Polo

12 A moto inza ma 'do kaya roze römöyü mi dolinjo bine lende ko'do ze pili ro ma laka. Kina me dedü do'do gbi ziye koto laka kozo ma 'ba bo 'ba Boko'ba. Inza go akikali 'ba döyayi tine ti lende këyi abo 'ba Boko'ba.

13-14 Mi akugu ze ga ziye dugu a moto dö tine nge ro wa ame ga kidëkike kikalike mi 'jo 'ba lende mo ne. Kina kozo ame le'jete kikalike lende ze 'deni gba mbowa ne, do'doko ziye 'do kikalike pili kinza roye kebe kaya ze ra gbi kozo ame roze kaya ye dö ne tara mi kada 'ba tako 'ba Kurisito kada moto dayi.

15 Mikali edü ngi tara ro ma laka kina me mo'doko 'do tari pa titi dogba ziye yayi 'do keddike ti yëyi ro mbëmbë, ro mbëmbë mi riyö 'do.

16 Miteri 'do tudö tongo ye odo medü mari Makedoniya. Kina moto gbi odo kiya te medü

muyi doma 'deni di yayi go mudö gbi tongo ye. Kina 'do ki'dike ma 'jaa go kori tari nduwë mi lingere ma dogba di yayi mi dayayi 'ba Yudayi.

¹⁷ Mi meri ma nime ma di ziye minda ngi kozo ng'o'do naga tara? Ala akiteri ma mo ga na kozo 'ba bilaka 'ba dolingo nime tuti domo tilagi mo gbi aa kpaki yayi?

¹⁸ Ro ma laka kozo ame bo Boko'ba na nge koto ro ma kodoro ne, lende ma nime ziye ne inza ro ma 'do kuyi yimo te.

¹⁹ Romoyi Yesu Kurisitö kole 'ba Boko'ba ame duwöwö lende mo tonë ziye ze ti Silibano ni ti Timatiyo ne, bo inza ro ame 'do kebe kuyi te. Kina bo u'bölu boto de gbi.

²⁰ Romoyi lömu 'ba Boko'ba ame ga pili bo kiya te, "Ti mo'do," ne o'do ronni pili ti Yesu Kurisitö. Kina me ki'di do'doke "Amini" ze pili ti moyi bo tilölu ro löbu 'ba Boko'ba.

²¹ Boko'ba na kogbo ze 'deni tiye ro akoto ti Kurisitö. Bo na kigeli ze 'deni tiye ro 'ba bo ga.

²² Bo na ko'do kinë abo 'deni me roze bo kodo Nyi Koto Laka abo 'deni mi doki'di ze ro akileme 'ba wa ma bo kikeki 'deni mitoro koda ze.

²³ Midëki bo Boko'ba ro bo kodoro ndi lende ma. Lende nime ki'di mebe mako de tori ye kpe Korinito ne mo'doko de go kaya roye.

²⁴ Ze na de ro nere do meri 'ba miye. Kpe oroke 'deni molo kitigo mi ti'di daye. Tine ame dede do'doke koto tiye ne ro lingo mo ziye.

2

¹ Kina me ki'di 'do momeri doma 'deni miya te tari ma ziye ma di go ame kinza kpe ro lingere

kpa kɔ'ɔ.

² Römöyī me ɔɔ mebe mi'di ye 'böwu kēddike rɔ meri, yē ga na ti kola kpe 'böwu zō rɔ bɔ tidinga dɔma? O'ja kina ŋgī aa rɔ kpe mo 'di.

³ Gɔ lende mo na ma ki'di mugu waraga ma dɔgba tönē ziye 'dɔ ɔɔ mömō ziye kpe bɔ tīyēyī dōkī'dī ma mo tönē ga kinza ki'dike ma ra 'böwu mebe mēdī rɔ meri. Mīyēnī ma 'bama bine, ɔɔ mēdī rɔ lɔŋɔ omba kpe gbī pili rɔ lɔŋɔ.

⁴ Ama tönē mugu 'deni ŋgī ziye ti meri ma kidari 'deni kotopa dōkī'dī rɔ kɔmɔ tɔlɔ. Tine inza 'dɔ ti'di ye kēddike rɔ meri. Mo'dɔkɔ gɔ kikalike akɔ'ɔ ma ame kulōwō gɔye ne.

Lende Kirasi

⁵ Ne ɔɔ mɔtɔ kebe ma 'ba bo ki'di bilaka kēdī rɔ meri, ama bo o'dɔ dē zō. Bo o'dɔ ziye na, mɔtɔga ala ŋge mbowa ziye. Tine mo'dɔkɔ dē 'dɔ tɔpɔtɔ bo kulōwō.

⁶ Karama nima kpe ma konzi kodake 'deni dɔ bo ne ɔ'bo 'deni tara.

⁷ Tine olake bo gbɔ gomo ki'dike mī kēddī zi bo kinza meri mo kɔsɔsɔ bo.

⁸ Ma miya ziye na me, ilemeke akɔ'ɔ laka zi bo.

⁹ Kina ma mugu waraga tönē ziye, mo'dɔkɔ tīyɔzɔ ye tɔŋgɔ mo ɔɔ ēddike ŋgī tuwō dɔma mī wa pili na ya.

¹⁰ Kina bɔtɔ ame kolake 'deni gɔ lende kirasi mo ne, ma gbī ti mola bɔ mo tɔ nima. Wa ame ɔɔ mola 'deni ŋgī nima omba mola 'deni gɔ lende 'be kɔmɔ Kurīsītō.

¹¹ Römöyī kinza Satani kebe kogɔgɔ rɔ bo ra dɔze, dɔŋgala abo naga nime dikali 'deni pili.

Rɔ 'Bɔki, Tine Rɔ Bɔ Aka'da

¹² Tönë mömö Torowa tuwöwö laja 'ba Kurisitö ne, nere Boko'ba ope dɔmo ngi zö.

¹³ Tine pele doki'di ma olɔɔ də römöyï mo'ja bɔ löndö ma Tito də di yayi. Kina mënyï ngi dɔmo di yayi mumötö lijë ngi gbɔ mari nduwë mi Makedoniya.

¹⁴ Ne tine yëe'di këdi zi bo Boko'ba gɔ ame bo kö'bö toja ze ma rɔ akoto ti Kurisitö nime yaga kɔzɔ 'boki ma ka'da ne. Bo i'di ze 'deni dinzanza lëbi 'ba Kurisitö nime kote gɔ bi kɔzɔ akato kele ma kinzanza tara.

¹⁵ Ze na 'deni rɔ akato kele ma Kurisitö kinzanza zi Boko'ba dɔ ma kɔmɔ 'deni di mi tölë mo ga gbi ti ma kölu naga.

¹⁶ Zinni lijë ma kölu 'deni naga ngi rɔ tato ma 'dɔ kupö wa kölë yaga. Tine ma zi ma kɔmɔ 'deni naga ngi rɔ tato 'ba didi.

Me yë na ti kɔ'bo a ma te?

¹⁷ Dinza ma 'beze kɔzɔ laki ma konzi mɔtɔ ga ame këdi kindi'ba lende 'ba Boko'ba nime ngi dɔ közinni kɔzɔ wa sari tugö mo ne tara. Ma 'beze mo bo Boko'ba na koja ze, na me dëdi diya 'deni ti mi kɔtɔ kɔmɔ bo kɔzɔ bɔ laja 'ba Kurisitö.

3

Bɔ Laja 'Ba Boko'ba

¹ Ti kindi ziye bine te dëdi 'deni 'böwu rɔ tubi gɔ ndɔbɔ ko'dɔ ze? Omerike te dëdi kɔzɔ ya mɔtɔ naga nima titeri waraga tileme ze ziye rɔ bilaka laka? Ala gɔ diteri ye gɔ kuguke waraga ze zi bilaka ma laki?

² Tine kpe gbagba ye mo nima na 'deni rɔ waraga ma kugu di mi dōki'di ze zi ma konzi pili tidēki mo tikali mo.

³ Kina ileme 'deni gbī kpe na rɔ waraga kugu 'ba Kurisitō ame kina koja ze 'deni timo ne. Waraga nime ugu dē ti galama tine ugu 'deni ti Nyi Kɔtɔ Laka 'ba Boko'ba bɔ didi. Ugu dē dɔ lere 'ba dōku tine ugu 'deni mi dōki'di bilaka lesi.

⁴ Ame na 'deni rɔ matikpēri ze ma dɔrɔ gomo mi Boko'ba ti Kurisitō.

⁵ A mɔto inza ame gɔ dēbi rɔze timo diya te ti dɔ'bo to'dɔ ndɔbo mo. Tigɔ ze pili ako di zi Boko'ba.

⁶ Bo na me ki'di ze 'deni dɔ'bo toja laja 'ba lömu la'ja abo nime. Ame rɔ lömu kinza kugu bēri tine Nyi Kɔtɔ Laka na kudödu dɔmo. Römöyi lömu ma kugu bēri nima bo na me ko'de tölē tine Nyi Kɔtɔ Laka o'de ma 'bēni rɔ didi.

⁷ Lömu nima ugu 'deni rɔ tugu dɔ lere 'ba dōku kina rɔ löbu 'ba Boko'ba kɔdɔ ngi mi ti'di mo nima. Ame ki'di kpa dɔ Musa köbö kebe kölu pele 'jaa yaga ne, tilaka mo pa ngi kulöwö ki'di Yisarele konɔ bi dē dɔ bo. Ne me dɔ lömu ame ngi nge rɔ 'ba to'de tölē ne na kako 'deni ti rɔ löbu ma kɔzɔ a nime te tine,

⁸ rɔ löbu ame rɔ ndɔbo 'ba Nyi Kɔtɔ Laka ne ti kiyöbu ma 'bēni 'deni kulöwö tondo ga yayi?

⁹ Dɔ rɔ löbu 'ba lömu kɔdɔ karama dɔ bilaka nime na köbö 'deni kulöwö tara, ma kileme lende laka ti köbö ma 'bēni 'deni ngi kulöwö rɔ dɔ kiteli tondo ga yayi na?

¹⁰ Kina ti diyake te rɔ löbu ame kēdi köbö 'deni kulöwö rɔ dɔ kiteli giri nime ne iteli ma dɔgba

tönë bine köbö ngi kulöwö ne 'deni yaga.

¹¹ Me ɔɔ lömu ma ki'di toloma nge mbowa nima na 'deni ti rɔ löbu tara omba ma nburunburu ti kedi ngi ti rɔ löbu rɔ dɔ kiteli.

¹² Mi kɔmɔ ki'di ze gɔ rɔ löbu nime na me dɔze ngi rɔ ma kitewu.

¹³ Dinza kpe kɔzɔ 'ba Musa tönë koloma tolo dɔ kɔmɔ bo teyi ti bɔngɔ kinza Yisarele ko'ja dɔ kɔmɔ köbö kebe kölu 'jaa abo mo tönë ne.

¹⁴ Kina ngi lende ɔtɔ ɔɔɔ dë du te dönni. Römöyï nɔbö kömö mi kada nime tone bɔngɔ kolo nima na ku'bë kpa kori 'ba döku dönni 'deni ngi teyi. ɔɔɔ lijë kidëki akugu 'ba lömu ma mɔlo nima pele bɔngɔ kolo nima ombi rönï dë ma titi te yaga. Römöyï iyese 'deni nge yaga zi ma rɔ akɔtɔ ti Kurisitö.

¹⁵ Kina ngi nduwë tara ko'ja mi kada nime tone ɔɔɔ lijë kidëki akugu 'ba Musa nima pele bɔngɔ kolo nima utu'bö rönï ngi nbuku dönni.

¹⁶ Tine ɔɔɔ kiya te bilaka mo kuyi kömöni 'deni zi nere Boko'ba bɔngɔ kolo nima ombi rönï ngi yaga.

¹⁷ Kina me nere Boko'ba na rɔ Nyi Kɔtɔ Laka. Kina Nyi Kɔtɔ Laka abo na ki'di dɔ ngölö zize.

¹⁸ Kina me ze pili dɔze kedi köbö kilaka 'deni ngi ti rɔ löbu 'ba nere Boko'ba kinza a mɔtɔ ma kutu'bö rönï dɔmɔ. Bo nere ze mo ame rɔ Nyi Kɔtɔ Laka ne kuyi ze ti mi kinë abo mi rɔ löbu ame kulöwö rɔ dɔ kiteli ne.

4

Tigɔ 'Ba Boko'ba

¹ Kina kɔzɔ ame bo Boko'ba ko'dɔ mi kɛyɪ 'deni zize koja ze mi laja abo nime ne, dɔki'di ze idaki dɛ kpe di gɔmo.

² Lijɛ dɔkomali wa ma kaya rɔ kɛdi ko'dɔ rɔ kusu naga duli 'deni pili mɔkɔ. Do'dɔ ɔtɔ dɛ kpe ti 'bɔlu ni ala duyɪ mi lende 'ba Boko'ba. Tine ŋgɪ mi tileme wa nime kiya rɔ lende kodɔrɔ mo tɔnɛ ne ti dinda ŋgɪ rɔ ma laka kɔmɔ bilaka pili kina gbɪ rɔ ma laka kɔmɔ Boko'ba.

³ Ne ɔdɔ kiya te laja nime duwɔwɔ ne na kɛdi 'deni ŋgɪ rɔ kusu ti kɛdi ŋge rɔ kusu zinni lijɛ ama ga kɛdi kɔlu ne.

⁴ Lijɛ ama ga ilagi Boko'ba rɔmɔyɪ Satani ŋere 'ba dɔliŋɔ nime na kiyɔlu kɔmɔnni 'deni di bi to'ja bi kɔpɔ lɔbu 'ba laja laka 'ba Kurisitɔ nime ame kina rɔ kinɛ Boko'ba ne.

⁵ Rɔmɔyɪ lende 'ba gbagba ze ga na dɛ dɛdi duwɔwɔ, ŋere Yɛsu Kurisitɔ mo na dɛdi duwɔwɔ kina ze rɔ bɔ laja ziye mi ndɔbɔ abo.

⁶ Rɔmɔyɪ bo Boko'ba na tɔnɛ kiya te, "I'di bi kɔpɔ koyi rɔni ti mi mandɔlu," kina bo na me gbɪ koja bi kɔpɔ abo 'deni koyi mi dɔki'di ze 'dɔ ko'de akikali 'ba rɔ lɔbu abo zize ame kina ma kɛdi 'deni rɔ tɔbɔ kpa dɔ Kurisitɔ ne.

⁷ Tine rɔ lɔbu kulɔwɔ rɔ dɔ kiteli nime i'di ŋgɪ mize ame ka rɔ kete korɔ'bo ne. Kina ame 'dɔ kileme tigo dɔ kiteli mo nima eze na dɛ, a 'ba Boko'ba na.

⁸ Gomɔ iyaya ze ra ma, tine itikɔ ze dɛ. Mɔtɔ ga kilikɔ dɔze pele, tine dɔki'di ze idaki dɛ.

⁹ Kuruku 'ba rɔze ga onzi ŋgɪ ŋbanɪ. Tine bo bɔ pɔri ɔɔ dɛ di zize. Kina ame ko'dɔ ze pele 'bowa, tine upɔ ze dɛ.

¹⁰ Mī loma ze pili dombi tölē 'ba Yēsu tönē ṅgī mī yida rōze tine 'dō didi mo kinda gbī di rōze.

¹¹ Mī kada 'ba loma ze, ze ṅgī ṅburu mī gomō 'ba tölē dömōyī Yēsu 'dō kinē didi abo kinda di mī yida rō 'ba yayi ze nime.

¹² Kina me ze ma 'beze 'deni ṅgī rō yida 'ba tölē, tine 'dō kēdi ziye rō didi.

¹³ Buku 'ba Boko'ba iya 'deni te, “Milende römōyī mi'di dōma gō lende 'ba Boko'ba.” Kina Nyi Koto Laka i'di ze 'deni gbī di'di dōze gō lende 'ba Boko'ba kina me dilende 'deni yaga.

¹⁴ Dikali 'deni rō ma laka bo bō kindiṅi ṅere ze Yēsu di mī tölē nime ti kindiṅi ze ti Yēsu ko'de ze koto tiye kako kōmō bo.

¹⁵ Mo'dō a naga nime pili gō lende 'be 'dō lende kēyī 'ba Boko'ba kōmō nduwē zi ma konzi liṅṅ pili kileki yēē'di mo rō mbēmbē zi Boko'ba kilēlu rō löbu abo.

Loma Ti Mī Kēddi

¹⁶ Gō kö'du mo na ma kinza ki'di rōze kunzō dē ne. Yida rō 'ba yayi ze nime kēdi keṅme ē'bēni ṅgī pele tine didi ēdi kiyōbu ma 'bēni ṅgī nduwē mīze rō kōmō lēndō.

¹⁷ Gomō ma mbowa 'ba tō'dō dō ndō nime dēdi dombi ne ti ko'de rō löbu ma dō kiteli ame rō ṅburuṅburu ne 'deni ṅgī zize. Ame kina mbiri löbu kebe bo gomō mo nima ne.

¹⁸ Römōyī kōmō ki'di ze inza dō wa ame ga kēdi ko'ja ti kōmō ne, tine gō wa ma kinza ko'ja kinē mo dē naga. Wa ma ko'ja kinē mo naga nima oloma ṅge mbowa tine ma kinza ko'ja kinē mo ga na kō'bō ma 'bēnni ṅgī ṅburu.

5

¹ Römöyî dikali ɔɔɔ kiya te kiyeyî yida rɔ mira nime 'deni di mî dɔliɔ bine rɔ ma ɲburuɲburu ɛdî ɲgî mitorɔ ame Boko'ba na kubö kinza rɔ kpa közi bilaka lesi ne.

² Ma gîrî nime ti dileri di kpa gomɔ ti kɔmɔ ki'di gɔ rɔ nima mitorɔ ne.

³ Römöyî 'dɔ ɔɔɔ dɔɔɔ 'deni yîmo dinza kpe rɔ bɔ kulê.

⁴ Ame dɛdî gba tötî mî mira mo nime dɔliɔ bine ne, ti dileri di kpa gomɔ ma kirîndî. Tine inza tégè dɛdî do'dɔ 'deni tîyölu bo yida 'ba yayi nime yaga. Tine yida rɔ 'ba dɔyayi 'ba mitorɔ na do'dɔkɔ tolo mo rɔze. Römöyî gɔ didî kindiyɔ wa ma rɔ a 'ba dɔyayi nime pili yaga.

⁵ Bo Boko'ba na kileɲɔ 'dɔ tuyî ze kɔzɔ a nime te. Kina me bo ki'di Nyî Kɔtɔ Laka abo 'deni zize rɔ akileme 'ba wa tönè ga pili bo kiyija 'deni dömöyî ze ne.

⁶ Kina me ze ɲgî ɲburu ti mî kèddî. Dikali ame dɛdî gba mî mira nime dɔliɔ bine ne ze gba rɔ ma kowɔ di rɔ liɲɔ 'ba ɲere Yèsu.

⁷ Römöyî didî ze ɔrɔ 'deni dɔ ti'di dɔze gɔ lende 'ba Boko'ba inza gɔ wa ma ko'ja ti kɔmɔ.

⁸ Ze 'deni ɲgî ti mî kèddî. Ma laka mo ɲgî ka zize tola yida rɔ nime dari ɲgî mî liɲɔ nime 'dè ti ɲere Yèsu ne.

⁹ Tine a ma rɔ dɔ kiteli zize mo ame ze pele gba rɔ ma kowɔ bine ala di mî liɲɔ mo yayi ne, dökî'dî bo na do'dɔkɔ tîyeyî mo.

¹⁰ Römöyî ze nime pili dɛdî dari dɔrɔke kɔmɔ kiti 'ba burè abo 'ba Kurisîtö. Kina 'dɔ nî mɔtɔ ko'ja kpa közi 'bî ɲgî ko gɔ ndɔbɔ ko'dɔ 'bî ame

koloma pa ro to'do mo mi yida ro bine, ro ma laka ala ro ma kenye ne.

Pori Zi Boko'ba

¹¹ Kina me go tere bo Boko'ba na ki'di 'deni dede doco ti'di do go lende 'ba Kurisitö zi ma konzi. Bo Boko'ba na kikali ma dede do'do ngi ti doki'di koto. Kina miya 'bama kpe gbi ikalike 'deni laka.

¹² Bine dinza kpe 'bowu tubi goze ziye tine dede dilenjo gomo laka ziye 'do keddike ti, ti do kombi goze. Kina go kikalike gbi tileki do lende zi ya ma keddi kombi donni za kulowo go yida ro ma yaga nime kola mi doki'di ne.

¹³ Odo kiya te dilende ro do rumo, dilende 'deni zi Boko'ba. Tine odo dilende laka, ele sowa go lende 'be.

¹⁴ Ako'bo abo 'ba Kurisitö na kogbo ze 'deni romoyi dikali 'deni laka bo koto na kole 'deni go bilaka lobu nime pili. Omba tine kina ro ame bilaka lobu nime kole 'deni kpaki koto ti bo ne.

¹⁵ Bo ole 'deni go bilaka pili 'do ame mo ga komo ne koloma de kpe nati go donni tine ro 'ba bo bo kole gonni kenyi kodo di mi tole mo nima.

¹⁶ Kina kinza debe todoro bici lende de kpe ro boto moto go akikali 'ba bilaka lesi. Odo dodoro bici lende ra pele pa tone bine ro Kurisitö go akikali 'ba bilaka lesi do'do de kpe tara.

¹⁷ Romoyi bo ame 'deni ro akoto ti Kurisitö ne 'deni yaga ro wa la'ja. Bo ma molo mo tone iteli 'deni ma la'ja na kako 'deni 'bato.

¹⁸ Wa naga nime pili a ko'do abo 'ba Boko'ba na. Na me ti Kurisitö bo uyi ze 'deni yaga ro bo pori zi bo di mi ma tone ze pa ro bo ya zi bo

ne. Kina me bo ki'di ndɔɔɔ löbu nime 'deni zize to'de ma konzi mɔto ga gbɛ kako mɛ pɔri nime ti bo ne.

¹⁹ Kina ɔ laja 'beze, Boko'ba o'do pɔri ti bilaka pili nime go lende 'ba Kurisitö. Boko'ba ikeki wali 'ba lende kënyë dë kpe go bilaka abo ga. Bo na me ki'di laja abo 'ba to'do pɔri tinni lijë bilaka abo ga nime 'deni zize me tuwöwö mo.

²⁰ Kina me dëdi diya lende 'ba Kurisitö 'deni ngi me kɔɔɔ iya te bo Boko'ba mo na këdi kilende 'deni ti kpeze tara. Ti möyi Kurisitö doma'jo ɔze ziye i'dike Boko'ba kuyi ye yaga ɔ bo pɔri zi bo.

²¹ Kurisitö ngi lipo ɔ ma kɔɔ kinza a mɔto ɔ lende kënyë. Tine go kö'du ze na Boko'ba ki'di bo 'deni konyonyo ɔ bo mɛ lende kënyë ze römöyi 'do ze gbɛ dëdike ɔ akoto ti bo ɔ bo lende laka abo ga 'ba Boko'ba.

6

Kada 'Ba Konyi

¹ Mɛ ndɔɔɔ nime koto ti bo Boko'ba doma'jo ɔze ziye kinza kolake lende këyi 'ba Boko'ba nime dë kilikö ngi ɔ yawa.

² Uwöke 'deni tönë bo Boko'ba kiya bine te, “Mɛ tö'dö ame mo ngi ɔ ma laka mo ne muwö mono 'bi 'deni. Kina mɛ kada ame mo ngi ɔ ma laka mo ne mokonyi yi 'deni.” Kina me kada 'ba to'ja mɛ këyi abo 'ba Boko'ba na me 'deni. Kada 'ba to'ja konyi abo na me 'deni tone.

³ Ze didëyi mudu dë go kori zi boto kinza ko'ja bi ngoro ra di ɔ laja koja ze.

4 Tine mi wa pili ma do'do dileme 'deni ngi ze ro bo laja 'ba Boko'ba. Romoyi dombi gomo ma gege 'deni pili ti mi keddi.

5 Omba ze, koboso ze, ko'do ayayi roze, ki'di ze mi ndobo ma kirindi naga. To'do kinda'ba komoze de, ze ro 'bo.

6 Tine go ame ze ngi lipo ro ma laka mi akikali mo ti mi keddi ti lende laka ko'do ne ileme ze 'deni ro bo laja 'ba Boko'ba ti Nyi Koto Laka gbi ti ako'o ma kodoro mo

7 ti lende laka mo gbi ti tigo 'ba Boko'ba. Lende laka ko'do ze na 'deni ro jama zize to'do ya timo gbi titata roze timo.

8 Lije mo tone ga oro ze kebe 'bowu kopoto ze. Iti'ja ze kebe kilolu ze. Iya ze ro bo beti tine lende ze ro ma kodoro.

9 Ko'do kponi roze kozo bilaka ma kinza kikali tine kebe kikali ze. Ko'do ze ngi kozo a ma 'do kole yaga tine ze gba 'biri ro ma kididi. Odo gomo pele kulowo roze tine upo ze de.

10 O'do ze pele go dedi ro meri tine ze ngi nburu ro lonjo. Dinda ro lisa kinza oto tine do'do mori ngi ro mbembé zi ma konzi. Dinda ngi kozo oto inza lipo zize tine ze ngi ti dokomali wa naga nima pili.

11 Kina ma ti ziye kpe lepi ze ga ame mi Korinito ne, diya wa 'deni pili yaga bi kopo ziye. Dodo doki'di ze 'deni ngi po mi koto ziye.

12 Ze dotomo kpa doki'di ze de teyi di ziye tine kpe na keddi kotomoke kpa doki'di ye teyi di zize.

13 Medii milende 'deni ngi ziye kozo iya te kpe kole ma ga tara. Kina ti o'doke ze gbi kozo ame dedi do'do ye ne. Odoke doki'di ye ti gbi po zize.

Kinza Kodo'bo Röyü Dë Tinni

14 Kinza kodo'boke roye dë koto ti ya ma kinza ki'di dönñi go lende 'ba Kurisitö naga nima. Römöyü tara o'de rönü dë. Ti wa ma laka ni ti ma kënyë kodo'bo dönñi tondo ga? Ti bi kopo ni koloma koto ti bi kölu tondo ga?

15 'Do Kurisitö kuti do lende bi koto ti Satani tondo ga? A moto inza ame kodo'bo ma ki'di dönü go lende 'ba Kurisitö ti ma kinza ki'di dönü ne.

16 Wa'di na go ki'di rö löbu 'ba Boko'ba ni kodo'bo dönü koto ti akoro? Ze na ro rö löbu 'ba Boko'ba bo didi kozo ame bo kiya abo ne tara, ame bo kiya te, "Ti moloma minni milingere tinni. Ti medü ro nere Boko'ba 'benni kina ti lijë kedü ro bilaka ma ga."

17 Kina ma 'do bo Boko'ba kiya te, "Doke yaga di mi löngö lijë go keddike e'be 'beri. Kinza kosake wa ame ga di zö ro ti'da ne dë kina ti minda'ba ye ngi ro 'bama ga.

18 Ti medü ro 'bu ziye. Kina ti keddike ngi ro kole ma ga gbi ro yitöti ma ga." Akiya abo 'ba Boko'ba tigo do kiteli na.

7

1 Kina me 'deni ziye kpe lepü ma ga ma mo'o kulöwö naga nime, yeyü naga nime pili Boko'ba ulömu 'deni zize. Kina ti dilonoke roze ti ro ma kopo di mi wa ma kënyë ame ga pili kedü ki'di yida ro ti didi ze ga kedü ro ti'da komo Boko'ba ne. Tikere abo 'ba Boko'ba na dolomake timo mize.

Longo 'Ba Polo

² Odoke miye pö zize. Ze bo tirasi lende zi boto na de. Du'bölu boto de kina do'bali wa 'ba boto de gbi.

³ Tine minza miya nime ro ma kënyë roye. Römöyï kozo ma tönë miya molo bine ne tara, ze do'o ye kulöwö go dö'bö nburu ro akoto tiye mi didi ala pele ro tolë.

⁴ Mikali doki'di ye laka, ma ro do kombi nime go lende 'be. Mi gomo mbëmbë ze naga nime pili ma ngi ti doki'di keddi. Lono na koso 'deni ngi lo yimö dömöyï ye.

⁵ Di potö tömö ze Makedoniya bine bi 'ba ro kindawo inza zize. Gomo na ngi kurë doze timo. Lamo ututu 'beni ngi ti yida roze ma yaga nime kina mi ma 'beni ngi lo ti tikere.

⁶ Tine bo Boko'ba bo tiyeyi doki'di ame ga ngi mi lisa ne iyeyi doki'di ze 'deni ti tako 'ba Tito.

⁷ Tine inza nge go tako abo, ma kulöwö mo na ro lebï 'be ame bo kako timo zize ti ame gbi kpe kiyeyike doki'di bo ne. Bo iyeti 'deni zize ma keddike ti meri mo kulöwö 'do tongo ze, ma kpe gbi ro mongo go lende kënyë 'be, ti teri 'be ame kpe ndö 'do toro tö ne bo iya 'deni gbi zize. Na me ma 'deni ngi le'jete kulöwö ro lono ro mbëmbë gomo.

⁸ Tine ame odo waraga ma tönë mugu yayi ne kiya roni pele ro ma kata ziye kodo doki'di ye minza kpe pori gomo. Mongo bine waraga nima odo ngi doki'di ye sowa ame tö'dö mo pele do ndö ne.

⁹ Tine lono ma inza go ame mi'di ye ro meri, ma ro lono römöyï meri nime i'di ye 'deni keddi kotake doye. Boko'ba o'do ndobo abo 'deni ti

meri nima. Dëmba tine wa nima do'do ziye ne inza rɔ ma kënyë.

¹⁰ Römöyî meri ame Boko'ba ko'do ndɔɔ abo 'deni timo ne ëdî ko'de dɔ koto kɔmɔ wa di mî tölë. Kina a mɔɔ rɔ tedi pörî gɔmo inza mî ama. Ne meri ame rɔ 'ba doliŋɔ ne o'de ma 'bëni ŋgî rɔ tölë.

¹¹ Kina ŋgɔke ma Boko'ba ko'do meri 'be nime ziye te? Ŋgɔke ma ki'di rɔye ŋgî koŋmi mî ndɔɔ abo te? Ŋgɔke ma ki'di tigo ziye kileme laka 'be te? Ŋgɔke ma ki'di miye ŋgî këdî löbu gɔ lende laka te? Ŋgɔke ma kiyöti ye te? Ŋgɔke ma ki'di meri 'ba tongɔ ma ziye te? Ŋgɔke ma ki'di kodɔke miye gɔ ndɔɔ abo te? Ŋgɔke ma ki'di ye ŋgî ndö 'do todo karama dɔ bɔ kirasi lende te? Ileme ye 'deni ŋgî lipo mî wa nime kinza boti mɔɔ rɔye.

¹² Kina kɔɔ ama pele mugu waraga nime ne inza gɔ lende 'ba bɔ ma kirasi lende nima ala gbî gɔ lende 'ba bɔ ma kirasi lende teyi mo nime. Tine mugu 'do kikala yaga bi kɔɔ ziye kɔmɔ Boko'ba ma kodɔke dökî'dî ye 'deni ŋgî pö mî koto zize.

¹³ Kina me ki'di kiyëyi dökî'dî ze.

Tine inza ŋge gɔ ame kiyëyi dökî'dî ze, ma rɔ dɔ kiteli mo gɔ lɔŋɔ ame do'ja di rɔ Tito gɔ kɔnyi ma ko'dɔke zi bo kidingake dɔ bo ŋgî bo koloma kinza tomeri a mɔɔ ne.

¹⁴ Kina me wa ma tönë ga miya zi bo mubi gɔye kulöwö ne inza kaya kpe rɔma römöyî 'deni pili rɔ ma laka. Kina kɔɔ ame lende kiya ze ziye pili rɔ ma kodɔɔ ne tara na me ma dubî gɔye zi Tito 'deni gbî rɔ ma laka.

¹⁵ Le'jete ako'ɔ abo gɔye ɲɔ rɔ dɔ kiteli. Bo ɛdi nduwɛ komeri ma kpe ɲɔ ndɔ tuwɔ dɔ lende abo gbɛ ti ma tɔnɛ kinda'bake bo laka ti tikere Bɔko'ba ti rɔ kilɛ'di mo ne.

¹⁶ Ma mɛdi miliya ɲɔ nati rɔmɔyɛ le'jete dɔki'di ma olɔɔ 'deni ɲɔ mi kɔtɔ gɔ ndɔɔ ko'dɔ 'be.

8

Kpa Kɔzi Ki'di Mi Kanisa

¹ Lɔndɔ ze ga do'dɔkɔ ziye 'dɔ kikalike wa ma lende kɛyɛ 'ba Bɔko'ba ko'dɔ mi kanisa ma Makedoniya.

² Akiyɔɔ 'ba gomɔ o'dɔ rɔni ɲɔ zinni rɔ dɔ kiteli. Tine lijɛ onya dɔmo ɲɔ, lɔɲɔ 'bɛnni kɔ'bɔ ɲɔ rɔ mbɛmbɛ. Kina lijɛ ɲɔ rɔ dɔ ɲɔgɔlɔ mi kpa kɔzi ki'di 'bɛnni pele di mi lisa nime lijɛ kɛdi yimo ne.

³ Rɔ ma laka mɛdi miya ziye lijɛ i'di wa ɲɔ kebe dɔ ame dɛne gɔ lijɛ ki'di ne.

⁴ Ti ako'dɔkɔ 'bɛnni na lijɛ koloma ɲɔ rɔ toma'jo rɔnni zize rɔ atiri gɔ duti dɔmo zinni lijɛ kodɔ'bɔ rɔnni gbɛ mi to'dɔ kɔnyi nime zi bilaka 'ba Bɔko'ba ma Yudayi.

⁵ Miya ziye aki'di 'bɛnni ebe ame domeri 'dɔ ko'dɔ rɔni ne ɲɔ. Dɔgba mo yida rɔnni na lijɛ ki'di ɲɔ zi ɲere Bɔko'ba. Kina me gɔ ako'dɔkɔ 'ba Bɔko'ba na lijɛ ki'di gbagba nni ɲɔ gbɛ zize.

⁶ Kina me ze docɔ Tito bɔ kisasi totɔtɔ kpa kɔzimo nime ne 'deni 'dɔ bo koto to'dɔ mo nduwɛ tokɔnyi ye tote ndɔɔ 'ba Bɔko'ba nime.

⁷ Ma 'beye yayi kpe 'deni ɲɔ rɔ mɔri ti dɔkomali wa naga nime pili. Kpe 'deni ɲɔ rɔ

mɔri mi ti'di do go lende 'ba Kurisitö, mi lende kiya 'be, mi akikali, mi ti'di ro to'do konyi gbi mi ako'ɔ 'be goze. Kina do'doko gbi ziye 'do keddike ro do ngölö tara mi kpa közi ki'di nime.

⁸ Tine minza tudödu mo bəri ro lömu ziye. Mileme nge ro ame moto ga kodo döki'di nni 'deni po mi kpa közi ki'di nime ne. Mo'doko tikali mo ako'ɔ 'be edi kulöwö tondo.

⁹ Römöyö kpe ikalike lende keyi 'ba Yesu Kurisitö nere ze 'deni. Di mi mɔri mbembë nime pele bo koloma yimo ne bo ebe kileki ro bo yaga ro lisa go lende 'be 'do lisa abo nima kodo mɔri doye.

¹⁰ Tine meri ma 'bama go ndobo mo nima na me. Ma laka mo ziye 'do koteke wa ma kisakike ti koo ene tönë nima yaga. Römöyö kpe na ro dandende 'ba tönyi ti ndobo nima. Tine inza nge ro tönyi timo kpe na gbi ro dandende 'ba bilaka ame ga ki'di rönni ngi to'do mo ne.

¹¹ Kina ti otoke nduwë tari timo koteke ndobo mo yaga. I'dike lende 'ba 'do tote mo kedö löbu ziye koo ame tönë kisakike timo ne. Kina ma 'deni ziye o'doke ti, ti wa ame ga keddike timo.

¹² Odo ni na ko'doko ngi ti döki'di yi 'do ti'di mo Boko'ba ti kuti ngi do kpa közi ki'di 'bi nima koo ame ki'di ne tara. Tine ame kinza timo bo ikali gbi.

¹³ Tine ame minza miya tiketi ya moto ga timo go bi kirindi mo koloko nge koto doye.

¹⁴ Tine römöyö koo ame keddike timo nbanji giri nime ne ma laka mo na ziye 'do tokonyi ya ame ga kedö ro leri mo ne. Kina odo kiya te kpe gbi keddike ro leri kada moto yayi lijë kedö timo

'do lijë kokonyi ye gbï. Omba te na ti ki'di ako'do kēdi pili laka ro ma koriya.

¹⁵ Kozo ame buku 'ba Boko'ba kiya ne tara, ame kiya te, “Ni ame kutö'du pele kulöwö ne inza timo ro do kiteli. Kina ni ame kutö'du nge mbowa ne inza nge timo wöti kulöwö titiyi.”

Ako'ö 'Ba Bilaka 'Ba Kanisa

¹⁶ Ze dilekike yëë'di ro mbëmbë zi Boko'ba go ame bo ki'di Tito 'deni ngi kodo mini pö ziye kozo ma 'beze ne.

¹⁷ Tine inza nge go ame bo kuti go lende ze, bo gbagba bo molo ndö 'do tari ziye go ako'doko abo gba kinza ma diya.

¹⁸ Kina me dēdi doja löndö ze ma koro kulöwö mi kanisa pili mi ndobo abo 'ba tuwöwö lende 'ba Boko'ba nime 'deni kari koto ti Tito ziye yayi.

¹⁹ Kina moto gbï kanisa na konggo bo ki'di bo tilingere tize mi ndobo 'ba kpa közi ki'di nime go kileme ako'ö ze ti ro löbu 'ba nere Yësu.

²⁰ Tine ze dēdi doko roze laka to'do mo kinza kebe ko'de lende ra.

²¹ Do'doko to'do a ma kodoro komo Boko'ba gbï komo bilaka lesi.

²² Kina me dēdi doja löndö moto kari koto tinni. Do'ja 'deni ngi mi konzi di ro bo ma bo kodo mi bo 'deni go ndobo nime. Kina me ma le'jete bo odo mi bo 'deni ngi gomo römöyi doki'di bo olodo 'deni ngi mi koto go ndobo ko'do 'be.

²³ Tine ma 'ba Tito bo ro lepï zö mi ndobo ma ziye. Kina löndö ama ga kēdi kari ti bo ne lijë na ro komo kanisa to'de ro löbu kēdi zi Kurisitö.

²⁴ Ilemeke ako'ɔ 'be zinni 'dɔ ki'di kanisa ma laki kikali ŋɔ timo omba dɛdi dubi gɔye gbɛ nime rɔ ma laka.

9

Kɔnyi 'Ba Bilaka 'Ba Kanisa

¹ Tine zɔ dɛ ka 'dɔ tugu wa naga nime ziye gɔ lende 'ba a 'ba kɔnyi ame gɔ koja zi bilaka 'ba Bɔko'ba ma mi Yudayi.

² Mikali ŋɔ kpe o'dɔkɔke kulɔwɔ tokɔnyi lijɛ. Kina ki'di mubi gɔye gɔmo kulɔwɔ zi ya ma Makedoniya miya te, "Lɔndɔ ame ga mi Giriki ne ɛdi 'deni mɔlo ndɔ ti kɔɔ ene to'dɔ kɔnyi." Kina akiteri kulɔwɔ 'be nima oɔ ma konzi 'deni ŋɔ gbɛ to'dɔ mo.

³ Kina me mɛdi moja lɔndɔ naga nime kari ziye yayi kinza tubi nime dubi gɔye kulɔwɔ ne kari kilikɔ ra ŋɔ rɔ yawa, tine gɔ kpe kɛddike ndɔ kɔzɔ ame miya ne tara.

⁴ Rɔmɔyi mɔtɔga bilaka mɔtɔ di Makedoniya bine ti kako kɔtɔ tɔ 'dɔ ki'di ko'ja ye 'deni ŋɔ ndɔ kɔzɔ ma miya zinni. Me ɔdɔ kiya te kako ko'ja ye dɛ ŋɔ ndɔ tara o'ja ti kɛdi rɔ laɲa ma lɔbu rɔze 'di, gɔ tubi nime ze dubi gɔye ra kulɔwɔ ne. Kina ti kɛdi gbɛ rɔ laɲa ma lɔbu rɔye.

⁵ Kina ma momeri 'dɔ ki'di moja lɔndɔ naga nime kari tɔti dɔgba kɔmɔ ma yayi. Rɔmɔyi 'dɔ lijɛ kiyija kpa kɔzi lɔbu mo tɔnɛ ga kiyake ti'di mo ne kɛdi mɔlo ndɔ. Wa naga nima ti'di mo kɛdi mɔlo ndɔ koda dɔma yayi ŋɔ rɔ kpa kɔzi ame ni mɔtɔ ki'di gɔ ako'dɔkɔ 'ba miyi ne tine kinza rɔ ame ki'di ŋɔ gbɔ yayi ne.

⁶ Kpe omerike lende nime. Bɔ ame kulɪ kupö mo nge mbowa ne umu gbɪ ngɪ nge mbowa. Kina bɔ ame kulɪ kupö mo mbiri ne umu gbɪ mbiri.

⁷ Kina ti nɪ mɔtɔ zɪyɪ ti'di mo kɔzɔ ame miyɪ ko'dɔkɔ ne tara. Tine kinza rɔ ame ki'di 'dɔ kebe ko'dɔ bu'bu 'bɔwu gɔmo ne, ala gbɪ gɔ ame kɛdi 'deni ngɪ kɔzɔ wali naga tara göyɪ nɪ mɔtɔ ne. Römöyɪ bɔ ame ki'di ti lɔŋɔ mo ne na Bɔko'ba kɔ'ɔ.

⁸ Kina bo ɔ'bo gbɪ ti'di mo nduwë zɪyɪ rɔ dɔ kiteli 'dɔ kɛddi ti wa ame ga ko'dɔkɔ zi gbagba yɪ ne. Kina ti bo ki'di gbɪ zɪyɪ rɔ dɔ kiteli gɔ ndɔbo ko'dɔ laka 'bi ga pili.

⁹ Kɔzɔ ame buku 'ba Bɔko'ba kiya ne tara, ame kiya te, “Bɔko'ba ulɪ 'deni kpaki kote gɔ bi zɪnnɪ lijë bɔ lisa ni. Lende laka abo na kö'bö 'deni rɔ nburunburu.”

¹⁰ Kina me bo Bɔko'ba bɔ ti'di kupö zi bɔ kulɪ mo naga nima, bo bɔ ti'di akonyo mo tönë ti ki'di wa ame ga pili ko'dɔkɔke ne ngɪ ziye. Bo ti ki'di dɔmo köyö teyi 'dɔ lende laka 'be ga konzi gbɪ.

¹¹ Bo ti kö'bö ngɪ ti'di mo ziye 'dɔ ki'dike gbɪ nduwë zi bɔ lisa. Kina ti yëë'di mo kɛdi zi bo rɔ mbëmbë gɔ kpa közi nime dëdi doto ne.

¹² Römöyɪ ndɔbo nime inza ko'dɔke nge tokonyi bilaka abo ga 'ba Bɔko'ba tine ëdi ko'de yëë'di ma löbu gbɪ zi bo.

¹³ Kpa közi ki'di 'be nime ti kileme tuwö dɔ Bɔko'ba 'be gbɪ ti ma ki'dike dɔye gɔ laja laka 'ba Kurisitö. Kina ma konzi ti kilëlu rɔ löbu 'ba Bɔko'ba ngɪ gɔmo, gbɪ gɔ mi këyɪ 'be zɪnnɪ ti ya mɔtɔ ga pili.

¹⁴ Kina ti lijë komeri gɔye kumötu dɔ möyi ye gɔ lende këyi 'ba Boko'ba nime kileme röni 'deni tiye ne.

¹⁵ Yëe'di këdi zi bo Boko'ba gɔ kpa közi löbu dɔ kiteli abo nime.

10

Pɔlo Iya Gɔ Ndɔbo Abo

¹ Kina me ma Pɔlo mēdi moma'jo rɔma ziye ti mi këyi ti tiliya rɔ abo 'ba Kurisitö. Ma bo ame laki kiya te ɔdɔ mēdi mi löngö ye kpama rɔ ma koŋmi mo tönë, tine ɔdɔ moto goma 'deni yaga na 'jaa mebe tiya wa ziye ne.

² Kina me mēdi moma'jo rɔma ziye kinza ki'dike ma dë mebe tiya wa rɔ ma kata ziye ɔdɔ mako. Römöyi rɔ ma laka lijë bilaka naga nima këdi kiya te dēdi do'dɔ ndɔbo nime ka gɔ yida rɔ 'ba dɔyayi nime ne ti mikali ŋgi tiya wa zinnä.

³ Römöyi kɔzɔ ame dēdi pele doloma dɔyayi ne dinza to'dɔ wa 'ba dɔyayi.

⁴ Jama 'ba ya ze nime inza rɔ 'ba dɔyayi, tine kina rɔ ame tigo mo ŋgi rɔ 'ba Boko'ba kɔ'bo titiko wa ma kitigo naga ŋgi 'doyi.

⁵ Kowasa ni ti kinë 'ba dɔ kombi pili ame ga këdi ko'dɔko tikiti mugu nni ti akikali 'ba Boko'ba ne dicaca dɔmo 'deni 'doyi yaga. Kina meri 'ba mize 'doyi dogbo dɔmo 'deni 'dɔ domeri ŋge kɔtɔ rɔ lende 'ba Kurisitö.

⁶ Kina me ze 'deni ŋgi ndö todo karama dɔ ya ma gba rɔ minyi naga ɔdɔ kpe kuwöke dɔ lende abo 'ba Boko'ba 'deni.

⁷ Kpe kapa ma yaga naga nime na ŋge këddi koŋgoke e'be. Tine ɔdɔ bo moto këdi ti mi këddi

bo kiya te bo 'ba Kurisütö na i'dike bo komeri do bo laka ze gbī rō 'ba Kurisütö.

⁸ Römöyī a mōto inza kpe 'do kēdī rō, rō kaya zō ɔdo kiya te mubī gō kōzī kakpa nime bo ki'di zize ne ra pele kulōwō. Ame kina rō 'ba tokōnyi mo kinza rō 'ba tirasi mo ne.

⁹ Bine mo'doko dē 'do kinda kōzo iya te mēdi mo'doko tiyere ye ti waraga nime.

¹⁰ Römöyī ya mōto ga ti kiya te, “Waraga kugu abo ga irīndī kata kōso mo kileki dē. Tine ɔdo gbagba bo mo na kēdī bine bo iya wa dē kulōwō zi bilaka kōzo a nime te, lende abo ga le rō ma kēyī.”

¹¹ Tine i'dike lijē bilaka tō naga nima kikali laka, wa ame ga dēdī dugu mī waraga ne ɔdo dēdī bi mo tō nima na gbī dēdī do'do ko tara.

¹² Rō ma laka ma 'beze dilana rōze dē todoro bicī lende rōze ala tiyari rōze ti lijē bō kēdī kilēbē rōnnī kulōwō naga nima. Lijē wa rumō naga nima. Lijē ebe ti'di gbagba lijē na rō a 'ba tiyari rōnnī timo todoro bicī lende 'bēnnī ngī kinza do ɔto mo yo.

¹³ Tine ma 'beze ti doyo rōze nge gō wa ma do'do mī maga nime Boko'ba ki'di zize ame kpe gbī kebe yimo ne.

¹⁴ Kina kōzo ame kpe ma 'beye miyō ma dayi ne tōnē dari yayi ne dumu dē gōnyī maga ma 'dē mī kada nima doto laja laka 'ba Kurisütö ziye ne.

¹⁵ Gō kō'du mo na 'beze dilēbē rōze dē do ndobo ko'do 'ba bilaka mōto ga ame lijē ko'do 'deni nbō kala gōnyī maga ma Boko'ba ki'di zize tōnē ne. Tine diyēnī bine kpe ti kō'bōke nduwē rō do kiteli ti'di doye gō lende 'ba Kurisütö gō

do'do wa ma kinza kiya naga nduwë mi löngö ye mi maga abo nime ne.

¹⁶ Kina ti dari duwöwö laja laka nime ngi mi doliŋo mato ga ame kebe gönyï ye yayi ne kinza dilëbë roze ra do ndobo ame ya mato ga ko'do 'deni mi go bi ma ki'di zinni ne.

¹⁷ Tine kozo ma tönë buku 'ba Boko'ba kiya ne tara, ame kiya te, "I'dike lijë ame ga ko'doko tonyo koso ne konyo ti go wa ma Boko'ba ko'do."

¹⁸ Römöyï laka 'ba bilaka lesi ëdi kinda nge odo nere Boko'ba na komeri kiya te bo mo ëdi laka. Tine inza ro wa ame 'do ni mato na komeri röyï kiya te ëddi laka.

11

Polo Ni Ti Bo Laja Do Kindëndë Mato Ga

¹ Momeri bine kpe ti kinda'bake miye koto tö pele di mi lende do rumo ma nime. Moma'jo roma ziye kina 'do ko'doke ngi tara.

² Römöyï ma bine ti mi kombi go kö'du 'be kozo ma Boko'ba gbi ti mi kombi goye ne tara. Kpe ma ro doti do ko'do milibö 'deni zi bo ma koto ame kina ro Kurisitö ne.

³ Ma ro meri bine kozo ma tönë Satani ku'bölu Awa ti donjala 'ba komo kandi abo ne bo ti kebe kuyi meri 'ba doye gbi mökö tara di mi kori 'ba ti'di ro ngi ro ma laka koto zi Kurisitö nime.

⁴ Römöyï mongo odo kiya te boto mato kako kuwöwö lende 'ba Yësu mato to ne 'beri ziye di do ma 'beze nime na kutike e'be za domo kinda'bake Nyi Koto Laka mo kpaki ti laja mo ga.

⁵ Tara ne ma di ziye ma 'deni ngi kulöwö wöti du bëri di zi bo laja löbu 'be to mo naga nima?

⁶ Ɔdo kiya te lende kiya na mikali dë pele tine mëdi ngi ti akikali mo. Kina me mileme 'deni laka ziye mi akiyandi pili.

⁷ A nime kinza miteri girisi dë di ziye mi kada nima mëdi muwöwö laja 'ba Boko'ba ziye ne na kileki ma 'deni yaga ro bo lende kënyë ziye? Mo'do tara tileki roma titi go kpe na këddike löbu.

⁸ Mi kada naga nima moloma go girisi ma kako di mi kanisa mato ga. Mebe ngi ro tolo wa di zinni tokonyi ye timo.

⁹ Kina ma 'do ki'di mi kada naga nima mëdi tiye yayi ne ɔdo leri 'ba a mato ko'do ma pele mo'doko dë toma'jo ye kinza mebe mëdi ra yaga ro kpanbiri ma löbu ziye. Tine konyi ma ga, löndö ma kako di Makedoniya naga na ko'de. Kina kozo ma tonë mo moko roma ne ti mö'bö nduwë toko roma tara kinza mebe mëdi ra ro kpanbiri ma löbu ziye.

¹⁰ Ro ma laka kozo ame lende kodoro abo 'ba Kurisitö këdi yimö ne ro koyo ma nime inza kuburu röni ma titi te mi doyayi 'be 'ba Giriki yayi pili.

¹¹ Go wa'di na ki'di miya tara? Mo'o ye dë ro to'o? Tine inza du tara. Boko'ba ikali ngi mo'o ye.

¹² Ti mö'bö nduwë to'do mo kozo ma dogba tara kinza lijë boto bo laja mato to naga nima kebe ra tilëbë rönni tégë lijë o'do ndobo nime gbï kozo ma 'beze.

¹³ Römöyi lijë ma 'bënni nima bo laja do

kindëndë bo 'bölu mi ndobo ko'do na lijë kedi kuyi kinë nni tégë ro bo laja 'ba Kurisito.

¹⁴ Tine a ma 'do kigayi wa na dë. Römöyi Satani pele ebe gbi tuyi kinë ni go bo kinda kozo malayika 'ba bi kopo.

¹⁵ Kina inza ro a ma kembe odo kiya te bo laja 'beni ga kuyi kinë nni kinda kozo bo laja 'ba lende laka. Mi nburunburu 'benni lijë edi kari ko'ja kenyë mo ko kozo wa ma lijë koloma to'do mo bine nima.

Gomo 'Ba Polo

¹⁶ Kina me medi mileki 'deni gbi miya gomo ziye. Kinza boto moto komeri dë kiya te ma rumo na. Ne odo kiya te kpe kutike 'deni pele domo te ma rumo na, uwöke do lende ma 'do medi gbi ti a moto mbowa toyo roma gomo.

¹⁷ Tine ame medi miya ne ma kako di zi nere Yesu na dë. Go lende 'ba ro koyo ma nime na ki'di ma 'deni ngi ko medi milende kozo rumo.

¹⁸ Kina kozo ame ma konzi kedi koyo ronni 'deni kulowo go a 'ba dolijo nime ne ma gbi ti mo'do tara.

¹⁹ Römöyi le'jete kpe ma gbagba ye mo tone kikalike wa kulowo ne ebe kinda'bake do lende 'ba bo rumo 'deni za.

²⁰ Boto ame ko'doko pele to'do ye ro atoli, kuyi ye, kotori kpeye, kudoli ye ala kokoso komoye ne ebe kinda'bake lende mo ngi aa yayi.

²¹ Ma 'bama a ma tara ga tiya mo aya za roma. A ma tara ga aga za roze.

Tine odo bo mo kilana ro bo tilëbë ro bo do a moto kina me ki'di medi milende 'deni ngi ko ro do rumo. Kina ti ma gbagba ma mo'do gbi tara.

22 Lijë mo nima tégë di mī kupö yë mo ga? Lijë Yudayi mo ga na? Ma gbī rō Yudayi. Lijë Yisarele mo ga na? Ma gbī rō Yisarele. Lijë kupö Abarayama mo ga na? Ma gbī rō kupö Abarayama.

23 Ala tégë lijë bō ndōbō 'ba Kurisitō mo ga na? Ne odo kiya te kēdi rō ama mo tine ma na rō mī teri mo. Mo'dō ndōbō mo 'deni kebe lijë nima pili. Mōdō 'deni mī maboso mī konzi gō kō'du mo kebe 'bēnnī. Omba ma gōmo ti nyō'bō mī konzi kebe 'bēnnī. Mōmō pe di kpa tölē mī konzi gōmo kebe 'bēnnī.

24 Nyō'bō komba kpa 'butē mota döömu dōmosowō 'ba Yudayi naga onyo ma ra ŋbō mī muyi 'do.

25 Turu 'ba Romo omba ma ra mī mota 'do. U'du ma 'deni mī koto ti döku. Sorope otopa ra tō mī mota 'do mī zana mini löbu. Mukōri ra mō'dō gonyi dō koto mī mini.

26 Mī lingere mbēmbē ma naga nima ma ŋgī mī löngö ŋbaka ni ma ti lēŋbē di kpa kōzi mini koso ni ma ti bō akolo, di zi Yudayi ze mo ga ti bō löwö 'bēnnī mo ga, di mī gawo kpaki kebe yī mökö pili kebe dō mini löbu ni, kina gbī di zi bō laja lēpi ze mōto ga ame rō bō laja dō kindëndē ne.

27 Ndōbō ni ti gomō na ŋgī kōdō rōma tō'dō kinda'ba kōmō ma dē, rō 'bō ti koda mini, rō leri 'ba akonyo ni ti bōŋgō, ma gbī kinza mbēli 'ba dōma.

28 Tine kola gomō mōto ga ame kinza kitētē dē ne, ma ŋgī ŋburu rō kōmō lëndō rō meri gō kanisa pili.

²⁹ Ɔɔɔ mɔtɔ kidaki 'deni ŋɔi tigo mo kinza kpe, ma ŋɔi gbɛ tara. Ɔɔɔ kiya te mɔtɔ kila'ba mɛ lende kɛnyɛ ma ŋɔi dɔ meri.

³⁰ Ɔɔɔ kiya te gɔ moyo rɔma ti moyo rɔma ŋɔi gɔ wa ame kileme tikenme ma mo ne.

³¹ Bɔko'ba 'bu 'ba ŋere ze Yɛsu Kurɛsɛtɔ ame akilɛlu kɛdi ti mɔyi bo rɔ ŋburunburu ne ikali ŋɔi ma mo'dɔ bɛti dɛ.

³² Kina tɔnɛ di Damaseke turu 'ba bɔ dɔliŋɔ Aretasi i'di koda bi toko yɔki gawo 'dɔ tinda'ba ma.

³³ Tine i'di ma ŋɔi mɛ kee koja ma ti kowe kebe bi gbɔŋɔ 'ba tɛli 'ba rɔ gawo nima miriŋa mɔmɔ ŋɔi di kpa kɔzi bo.

12

Rɔ Koyo 'Ba Pɔlo

¹ Kina me 'deni zɔ ti moto nduwɛ tubi gɔma ame pele kinza mo'ja ɔtɔ dɛ gɔmo ne. Ne i'dike 'bato mebe rɔ tiyɛti gɔ nyi ti akileme 'ba ŋere Yɛsu ma ko'dɔ zɔ.

² Mikali bɔ mɔtɔ ame rɔ 'ba Kurɛsɛtɔ pa tɔnɛ bine kɔmɔ kɔɔ mo iteli 'deni 'butɛ dɔmosowɔ. Ombi bɔ nima ŋɔi kari tɔrɔ kɔdɔ ŋbɔ mɛtɔrɔ. Tine mikali dɛ ɔɔɔ wa ne ŋɔi rɔ ma laka ala nyi na ya, ama Bɔko'ba na kikali.

³⁻⁴ Mikali ogba bɔ nima ŋɔi kari mɛ dɔliŋɔ 'ba Bɔko'ba. Tine gbɛ mikali dɛ ɔɔɔ wa ne rɔ ma laka ala nyi na ya, ama Bɔko'ba na kikali. Di yayi na bo koloma ŋɔi rɔ tuwɔ wa ame ga kinza kiya bɔtɔ kɔ'bo dɛ tombi kpɛni gɔmo ne.

⁵ Kina ma ti mubī gɔ bo nima. Tine ma 'ba gbagba ma mo 'dɔ mubī gɔma na ko'dɔ rōnī rɔ a ma kinza, ti mubī nge rɔ gɔ tikenme ma mo.

⁶ Ne ɔdɔ mo'dɔkɔ pele tubī gɔma minza mēdi ngī rɔ rumō, rōmōyī mēdi miya rɔ a ma kodɔrɔ. Tine mola kinza to'dɔ mo tara rōmōyī mo'dɔkɔ 'dɔ kodɔrɔ lende ma nge gɔ a ma mo'dɔ ko'ja di yida rɔma ala kuwō gbī di kpama.

⁷ Tine 'dɔ togbo ma kinza toyo rɔma ra kulōwō gɔ a löbu naga nime mo'ja ne na kusu a ma ko'ɔ 'deni mī yida rɔma. Kina 'deni ngī kɔzɔ bo laja 'ba Satani mī yida rɔma tomba ma nɔburu kinza moyo rɔma ra.

⁸ Moma'jo rɔma 'deni nɔbō mī mota zi nere Boko'ba 'dɔ bo kogba a nime yaga di mī yida rɔma.

⁹ Tine bo ileki kiya zō te, “Lende këyī ma ti ki'di yi ko'bo tombi wa pili. Tikenme 'bī i'di tigo ma ngī kēdī rɔ dɔ kiteli.” Gɔ ko'du mo na ti mēdi ngī ti mī këyī rɔ mbēmbē toyo rɔma gɔ tikenme ma nime. Rōmōyī gɔ tigo 'ba Kurīsītō kēdī tō.

¹⁰ Dōmōyī Kurīsītō ma ngī ti mī këyī di mī tikenme ma, di mī ti'ja, di mī gomɔ, di mī kōzī kasi ma ko'dɔ zō. Rōmōyī ɔdɔ kiya te menme kina mitigo ngī yaga.

Ndose 'Ba Pɔlo Zi Korinito

¹¹ Ma 'deni ngī du rɔ rumō mo gɔ bi mo nati. Kpe na ki'dike ma 'deni mila'ba yīmo. Dēne 'dɔ kpe na kubike gɔma. Tine kɔzɔ ame ma minza pele rɔ ɔtɔ ne, minza ngī wōtī du bēri di zi bo laja löbu 'be tɔ mo naga nima.

¹² Wa ame kileme ma rɔ bo laja ma laka ne na ma kēdī ko'dɔ rōnnī 'deni mī lōngō ye yayi ti mī

këddi ne, kina gbī ti gɔ kotɔ mo ti ndɔɔ mo ame ŋgī kulōwō rɔ dɔ kiteli ne.

¹³ Tine rɔ ma tondo na mo'dɔ ye dē rɔ ma koriya ti kanisa ma laki? Kina dē ŋge rɔ ma tōnē moma'jo ye dē mi'di akīrīndī dɔye ne? Tine kpe olake ma gbɔ gɔ lende kirasi ma nime.

¹⁴ Bine mī mota mo na 'deni me ma mēdī ndō 'dɔ tari ziye yayi. Tine minza mēdī rɔ akīrīndī dɔye rōmōyī e'be ga na dē mēdī moma, tine gbagba ye mo na mēdī moma gɔmo. Rōmōyī kole na dē 'dɔ ki'di wa zi 'bu, tine 'bu na kēdī ki'di wa zi kole.

¹⁵ Ma ti mī kēyī tote wa ame ga mēdī timo ne pili gɔ kō'du 'be mi'di yida rɔma gbulungu dɔmo. Kina kɔzɔ ame mɔ'ɔ ye 'deni kulōwō ne 'dɔ kɔ'ɔke ma gbī ŋge mbowa gɔmo?

¹⁶ Rɔ ma laka ikalike 'deni ma mi'di rɔma dē yaga rɔ akīrīndī ziye. Tine mɔtɔ ga ebe 'bēnnī tiya mo te, ma Polo rɔ bɔ dɔŋgala mēdī rɔ to'ba ye ti bētī.

¹⁷ Mogɔgɔ rɔma dɔye nyanya ga mī ndose ma moja bɔ laja timo naga?

¹⁸ Ma na mi'di Tito ma 'dɔ kari yayi. Kina ma moja löndö mɔtɔ ame rɔ 'ba Kurisitö ne kari kɔtɔ ti bo. Tine iyake ra te Tito ogɔgɔ rɔ bo dɔye? Ndɔɔ ze ma ze ti bo na kari dē kəri kɔtɔ?

¹⁹ Kpe ëddike mɔlo nime rɔ tomeri mo te dēdī do'dɔkɔ titata rɔze yaga di kɔmɔye? Inza du tara. Ziye kpe ma mɔ'ɔ kulōwō naga nime, dēdī dilende ziye nime pili mī Kurisitö kɔmɔ Boko'ba 'dɔ kulu ye.

²⁰ Rōmōyī ma mēdī mere bine mɔtɔga ti mako mo'ja za kinzake kɔzɔ ma mo'dɔkɔ. Kina kpe gbī

yo ti ko'jake ma minza kɔzo wa ma ko'dɔkɔke. Mɔtoɔa lamo ni na za ti kɛdɛ ti mɛ kombi ti 'dirɛ ti mɛ kututu ti ŋɔŋɔ ti kore ti rɔ kote gbɛ ti lende kirasi.

²¹ Momeri gbɛ ɔɔo mari 'bɔwu Bɔko'ba ma ti kileki ma bɛrɛ di kɔmɔye. Kina ti mudu ŋɛ rɔ ma kɛnyɛ ɔo lende 'ba ya ame ga ŋbaŋi mɛ lɔŋgɔ ye ko'dɔ lende kɛnyɛ tɔnɛ bine koto ga dɔnnɛ dɛ di yɛmo ne. Lijɛ ma kinza koto dɔnnɛ dɛ yo di mɛ lende ko'dɔ ti'da 'bɛnnɛ naga nima ti yɛrɛ ni ti ndɔrɔ 'ba ɔomo mo ne.

13

Ndose Ma Nburunburu

¹ Ame na 'deni rɔ mɛ mota ma 'ba tako ziye yayi. Lende mɔto ame kɛdɛ o'dɔkɔ ɔo kiya ti bɔ kodɔrɔ ndɛmo ga teyi riyɔ ala mota kɔzo ma buku 'ba Bɔko'ba kiya tara.

² Mi'di ame te zɛnnɛ lijɛ bɔ ko'dɔ lende kɛnyɛ tɔnɛ ga yayi ti ya mɔto mo naga nima ne, ɔɔo mako di ɔo ame bɔto mɔto inza kɔmɔ di kpa karama mo. Ma pele rɔ ma kɔwɔ nime mɛdɛ miya gbɛ kɔzo ma tɔnɛ miya 'deni mɔlo ziye mɛ tari ma, ma rɔ mɛ riyɔ mo tɔnɛ ziye yayi ne.

³ Kpe ti kikalike 'deni ŋɛ rɔ ma laka bo Kurisitɔ na kɛdɛ kilende tɔ. Mɛ ndɔbɔ abo tiye bo inza rɔ ma keŋme tine tigo abo ŋɛ kulɔwɔ rɔ mbɛmbɛ.

⁴ Rɔmɔyɛ tikenme mo na tɔnɛ kutɔti bo yɛmo ne, na me bo kɔdɔ 'deni di mɛ tɔlɛ mɛ tigo 'ba Bɔko'ba. Mɛ rɔ kodɔ'bo ti bo ze ŋɛ rɔ ma keŋme, tine mɛ to'dɔ ndɔbɔ mo tiye dɔdɔ ŋɛ dididi ti bo mɛ tigo 'ba Bɔko'ba.

⁵ Iyɔzɔke rɔye 'dɔ kikalike laka ɔdɔ ki'dike dɔye ra ŋɔi laka gɔ lende 'ba Kurisitɔ. Ikalike dɛ Kurisitɔ ɛdi ŋɔi miye? Ɔdɔ kiya te kpe mo na kirasike rɔye 'deni na ŋge.

⁶ Ma 'beze momeri 'bama ti kikalike ŋɔi dirasi rɔze dɛ.

⁷ Kina dumɔtu Bɔko'ba gɔye ki'di ye tɔ kpe kirasike lende dɛ. Tine inza gɔ ame kiya te ze na 'deni lipo rɔ ma laka mo ne. Ne tine ŋge 'dɔ ko'dɔke wa ame rɔ ma laka ne ɔdɔ kiya te ze mo na dinda 'deni pele dirasi rɔze.

⁸ Rɔmɔyɔ ze dɔ'bo dɛ to'dɔ ɔtɔ ame kuti dɔni dɛ ti lende kodɔrɔ ne. A ma kodɔrɔ na ŋge dɛdi dɔ'dɔ.

⁹ Ze ti mi kɛyɔ gɔ ame ze ma 'beze rɔ ma kenme tine kpe na rɔ ma kitigɔ ne. Wa ma 'beze ma dɛdi dumɔtu gɔmo bine 'dɔ kpe kiyɔbuke laka mboloro mi wa pili.

¹⁰ Mɛdi mugu ame tɔti ko'ja mɛdi gba rɔ ma kɔwɔ 'dɔ ɔdɔ mɔmɔ yayi kinza miya wa ra ziye mi kɔzi kakpa nime ŋere Yɛsu ki'di zɔ ne. Rɔmɔyɔ i'di 'deni zɔ rɔ 'ba totɔtɔ mo tine inza rɔ 'ba tiyɛyɔ yimo.

¹¹ Tine ma rɔ ŋburunburu mo ziye kpe lɔndɔ, mɔtɔ gbɔ ziye. Kpe i'dike rɔye kɛdi laka mi wa pili, kuwɔke dɔma. Utike dɔ lende rɔ gɔ rɔye kolomake ti lende kɛyɔ. Kina ti bo Bɔko'ba 'ba akɔ'ɔ ni ti lende kɛyɔ mo ti koloma ŋɔi ŋburu tiye.

¹² Umɔtɔke rɔye rɔ gɔ rɔye ti kɔzi riyo mi mɔyɔ Bɔko'ba.

¹³ Bilaka 'ba Boko'ba ame ga pili bine ne umötö ye.

¹⁴ Lende këyi 'ba Yësu Kurisütö ñere ze ti ako'ɔ 'ba Boko'ba ti rɔ kodɔ'bo 'ba Nyi Kɔto Laka koloma koto tiye pili.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07